

ხელშეკრულება
სახელმწიფო შესყიდვის შესახებ №ბ/10-012
(გამარტივებული შესყიდვა)

ქ. თბილისი

„21“ იანვარი, 2011 წელი

ჩვენ, ქვემოთ ხელის მომწერნი, ერთი მხრივ, სსიპ - საქართველოს იუსტიციის სასწავლო ცენტრი (შემდგომში - შემსყიდველი ორგანიზაცია), მისი დირექტორის ნინო ბერუაშვილის სახით და მეორეს მხრივ, შპს „დეგა პრინტი“ (შემდგომში - მიმწოდებელი), მისი დირექტორის ლაშა სოხაძის სახით, ვხელმძღვანელობთ, რა საქართველოში მოქმედი კანონმდებლობით, „შემსყიდველი ორგანიზაციებისათვის სახელმწიფო შესყიდვების გამარტივებული შესყიდვის საშუალებით გამხორციელების ნებართვის მიცემის შესახებ“ საქართველოს მთავრობის განკარგულების საფუძველზე გამარტივებული შესყიდვის გამოყენების შედეგად, ეღებო წინამდებარე ხელშეკრულებას შემდეგზე:

1. ხელშეკრულების საგანი

- 1.1. ხელშეკრულების საგანია საქონლის (შემდგომში - შესყიდვის ობიექტი) შესყიდვა.
- 1.2. საქონლის შესყიდვა გულისხმობს პოლიგრაფიული პროდუქციის - 36 ცალი სერტიფიკატისა და სერტიფიკატის 40 ცალი ჩასადების შესყიდვას.

2. შესყიდვის ობიექტის ღირებულება

2.1. ერთი ცალი სერტიფიკატის ღირებულება შეადგენს 1,02 ლარს, ხოლო 36 ცალი სერტიფიკატის ღირებულებაა 37 ლარი, საქართველოში მოქმედი კანონმდებლობით დადგენილი გადასახადების გათვალისწინებით, დღგ-ს ჩათვლით.

2.2. სერტიფიკატის ერთი ცალი ჩასადების ღირებულება შეადგენს 2.25 ლარს, ხოლო სერტიფიკატის 40 ცალი ჩასადების ღირებულებაა 90 ლარი, საქართველოში დადგენილი გადასახადების გათვალისწინებით, დღგ-ს ჩათვლით.

2.3. შესყიდვის ობიექტის საერთო ღირებულება შეადგენს 127 ლარს, საქართველოში მოქმედი კანონმდებლობით დადგენილი გადასახადების გათვალისწინებით, დღგ-ს ჩათვლით.

3. შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდება განხორციელდება 2011 წლის 25 იანვრამდე.
- 3.2. შესყიდვის ობიექტის მიწოდების ადგილია ქ.თბილისი, გორგასლის 24.

4. შესყიდვის ობიექტის მიღება-ჩაბარების წესი

შესყიდვის ობიექტი ჩაითვლება მიღებულად მისი ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.

5. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, „სახელმწიფო ბიუჯეტის“ სახსრებით.

5.2. მიმწოდებელს შესყიდვის შესყიდვის ობიექტის ღირებულება აუნაზღაურდება უნაღლო ანგარიშსწორებით, შესაბამისი მიღება-ჩაბარების აქტის გაფორმების შემდეგ, მის მიერ შესაბამისი საგადასახადო ანგარიშ-ფაქტურის წარმოდგენიდან 10 სამუშაო დღის ვადაში.

5.3. ანაზღაურების ადგილია ქ.თბილისი.

6. მხარეთა უფლება - მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მიღებული შესყიდვის ობიექტის ღირებულება;

6.3. შემსყიდველ ორგანიზაციას უფლება აქვს:

- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

- მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა.

6.4. მიმწოდებელი ვალდებულია:

- მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

- შესაბამისი წერილობითი შეტყობინების მიღებიდან 1 (ერთი) სამუშაო დღის ვადაში აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი შემსყიდველი ორგანიზაციის მხრიდან რაიმე დამატებითი დანახარჯის გაწვევის გარეშე;

- შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ;

- დაიცვას ხელშეკრულებით გათვალისწინებული ყველა პირობა.

6.5. მიწოდებულს უფლება აქვს:

- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

7. ხელშეკრულების ინსპექტირების პირობები

ხელშეკრულების ინსპექტირებას განახორციელებს შემსყიდველი ორგანიზაციის ფინანსისტი ოთარ ფერაძე.

8. მხარეთა პასუხისმგებლობა ხელშეკრულების პირობების დარღვევისას

8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

8.2. თუ ხელშეკრულების ერთი მხარე არ ასრულებს ან არაჯეროვნად ასრულებს მის მიერ ნაკისრ ვალდებულებას, მეორე მხარე უწევს მას დამატებით ვადას ნაკისრი ვალდებულების ჯეროვნად შესრულებისათვის.

8.3. თუ დამატებით ვადაში მხარე არ ასრულებს ან არსებითად არღვევს ნაკისრ ვალდებულებას, მეორე მხარეს უფლება აქვს ცალმხრივად ვადაში შეწყვიტოს ხელშეკრულების მოქმედება.

8.4. ხელშეკრულების მხარეს, მის მიერ შესყიდვის ობიექტთან დაკავშირებული ვალდებულების შეუსრულების ვადის გადაცდენის შემთხვევაში, დაგკისრება პირგასამტეხლო ყოველ ვადაგადაცილებულ დღეზე შესყიდვის ობიექტის საერთო ღირებულების 0.3 პროცენტის ოდენობით.

8.5. თუ ხელშეკრულების ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

9. ფორს-მაჟორული სიტუაციები

9.1. მხარეები პასუხისმგებელი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორცაა: წყალდიდობა, ხანძარი, მიწისძვრა, სხვა სტიქიური მოვლენები, საომარი მოქმედებები, აგრეთვე სხვა წინასწარ გაუთვალისწინებელი, გარდაუვალი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ან აშკარაა რომ გაგრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

10. ხელშეკრულების პირობების გადასინჯვა

10.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევებშიც ხელშეკრულების ღირებულების გაზრდა დასაშვებია ხელშეკრულების ღირებულების არაუმეტეს 10%-ის ოდენობით.

10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში, ნებისმიერი ცვლილება და დამატება შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

11. ხელშეკრულების მოქმედების ვადა

ხელშეკრულება ძალაშია 2011 წლის 21 იანვრიდან და მოქმედებს 2011 წლის 21 თებერვლის ჩათვლით.

12. დავა და მისი გადაწყვეტის წესი

12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესი

13. სხვა პირობები

13.1. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

შემსყიდველი ორგანიზაცია:

სსიპ-საქართველოს იუსტიციის სასწვალლო ცენტრი
უფლებამოსილი წარმომადგენლის სახელი და გვარი:
ნინო ბერუაშვილი

მისამართი: ქ.თბილისი, გორგასლის 24
საბაკო რეკვიზიტები: სახელმწიფო ხაზინა - 220 101 222
ხაზინის ერთიანი ანგარიში - 200122900
სახაზინო კოდი - 0146
საიდენტიფიკაციო კოდი - 204 423 230

დირექტორი




[Handwritten signature]
ნ. ბერუაშვილი

მიმწოდებელი:

შპს „დეგა პრინტი“
უფლებამოსილი წარმომადგენლის სახელი და გვარი:
ლაშა სოხაძე

მის: ქ.თბილისი, ვირსალაძის №8
საბანკო რეკვიზიტები: ს.ს. „თიბისი ბანკი“ ც/ფ
ა/ა GE41TB0600000101467543
ბ/კ 220 101 830 ს/კ 204444477

დირექტორი



[Handwritten signature]
ლ. სოხაძე